

البولس


رسالة القديس بولس الرسول الثانية لتسالونيكى

المجيء الثاني = رجاء و ليس كسل

يوم الرب و مجيئه الثاني مش المفروض يكون مثار جدل فارغ لينا إننا نتوقع و نحسب يوم مجيئه ... بل مصدر رجاء و صبر لينا خصوصاً لو عندنا ضيقات و اضطهادات ... و حتى لو مافيش ضيقات، لازم يفضل فكر المجيء الثاني لربنا يدينا رجاء و قوة و يكون مبدأ رئيسي في حياتنا و خدمتنا

× طبعاً الملخص ده لا يغني أبدأ عن الوعظ و التأملات العميقة في كلام الكتاب المقدس ... دي محاولة بسيطة لتقديم ملخص بسيط للأسفار

عن الرسالة



- بعد ما القديس بولس كتب رسالته الأولى لأهل تسالونيكى، جاله أخبار إن الحاجات اللي نبههم ليها في الرسالة الأولى ماتحسنتش بل بالعكس الوضع ساء، خصوصاً في حاجتين:
 1. الاضطهادات
 2. الكلام على مجيء السيد المسيح الثاني (يوم الدينونة)


- فكتب القديس بولس رسالة ثانية ليها عشان يحل المشاكل دي

الرسالة الثانية متقسمة على 3 أجزاء:

1. الرجاء في الضيقات و الاضطهادات
2. تأكيد مجيء السيد المسيح الثاني يوم الدينونة كعامل للرجاء و ليس للتوقع
3. رسالة للناس اللي مش عايزة تشتغل (تبقى عالة على غيرها)

- كل جزء منهم بيتهي بصلاة خاصة بالجزء ده

الإصحاح الأول: الرجاء في الضيقات والاضطهادات



1. بدأ القديس بولس الرسالة كعادته (ص 1 : 1 ل 3) بصلوة و شكر للمؤمنين في المدينة على صفات حلوة عنده ... و الصفة الحلوة هنا هي **الصبر** ... لأن المؤمنين في تسالونيكى كانوا يواجهوا اضطهادات كثير من الناس و المدن اللي حوالهم (سواء يهود أو وثنيين):

حتى اننا نحن انفسنا نفتخر بكم في كل كنائس الله من اجل صبركم و ايمانكم في جميع اضطهاداتكم و الضيقات التي تحتملونها

— تسالونيكى الثانية 1 : 4

2. شجعهم القديس بولس على الاستمرار في الصبر و أكد لهم إنهم باحتمالهم و صبرهم هيقتنوا أنفسهم (زي ما قال السيد المسيح) ... و زي ما السيد المسيح تألم على الصليب و قبله بإرادته و هو ملكنا كلنا، إحنا كمان هانشارك معاه في ملكوته بصبرنا و احتمالنا للاضطهادات



3. فكّرهم إن الضيقات مش هاتستمر للأبد ... و إن ربنا هايحكم لهم و يعاقب اللي ظلمهم كقاضي عادل

4. لأن المضطهدين دول رفضوا السيد المسيح و كانوا عايزين يبعدوا عنه طول حياتهم ... و لو استمروا في عنادهم هايكون عقابهم في اليوم الأخير إنهم مش هايكونوا مع ربنا (هناك يكون البكاء و صرير الأسنان) ... يعني هايبعدوا عن مصدر الحياة و النور إلى الأبد

اذ هو عادل عند الله ان الذين يضايقونكم يجازيهم ضيقاً و اياكم الذين تتضايقون راحة معنا عند استعلان الرب يسوع من السماء مع ملائكة قوته


— تسالونيكى الثانية 1 : 6 و 7

5. بيختم القديس بولس الرسول الجزء ده بصلاة إن ربنا يتمجد في ولاده في الضيقات

لكي يتمجد اسم ربنا يسوع المسيح فيكم و انتم فيه بنعمة إلهنا و الرب يسوع المسيح

— تسالونيكى الثانية 1 : 12

الإصحاح الثاني: تأكيد مجيء السيد المسيح الثاني يوم الدينونة كعامل للرجاء و ليس للتوقع




1. للأسف كان فيه شائعات كاذبة (بعضها إدعى أصحابها إنها من بولس الرسول شخصياً) إن "يوم الرب" كنهاية العالم جاي خلاص على الأبواب! و عمالين يقلقوا و يخوفوا اخواتهم بالكلام ده و يفتوا في تواريخ و مواعيد

بل بعضهم قال إن اليوم ده جه خلاص من غير ما يحسوا (عشان بولس قال: "يوم الرب كلص في الليل هكذا يجيء" (تسالونيكى الأولى 5 : 2))! و إن ربنا سابهم في العالم و تركهم للضيقا... طبعاً الكلام ده مقلق جداً للناس عايشة في اضطهادا

2. بولس الرسول بيطقنهم و قال لهم: الكلام ده غلط خالص!

- مجيء ربنا مفرح لكل المؤمنين بيه (مش يوم خوف ليهم)
- ده مش وقت المجيء الثاني



3. و بعد كده بولس طقّنههم ... فكّرهم بالتعاليم اللي علّمها لهم لما كان معاهم، إن قبل المجيء الثاني هاييجي "ضد المسيح" كملك شرير جداً معه كل قوة الشيطان، و هاتحصل العلامات اللي قال عليها ربنا يسوع (في مرقس 13) ... لكن في الآخر ربنا يسوع هاييجي و يغلب

4. ختم الجزء ده بصلاة:

و ربنا نفسه يسوع المسيح و الله ابونا الذي احبنا و اعطانا عزاء ابدى و رجاء صالحا بالنعمة يعزّي قلوبكم و يثبتكم في كل كلام و عمل صالح

— تسالونيكى الثانية 2 : 6 , 7

الإصحاح الثالث: رسالة للناس اللي مش عايزة تشتغل (تبقى عالة على غيرها)



1. كان فيه ناس رافضة تشتغل! (كان بولس نبّهم للنقطة دي في الرسالة الأولى اكن لسة مكانتش اتظبطت) ... يمكن كانوا فاكيرين إن "يوم الرب قريب" بمعنى إنه في خلال أيام، فنشتغل ليه لو كده؟ و يمكن كانوا كسولين و عايزين يعيشوا على فضلات الناس الأغنياء و يشتغلوا عندهم أي حاجة (شحاتة مقنّعة ... دي مشكلة كانت موجود في روما زمان)

لأننا نسمع أن قوماً يسلكون بينكم بلا ترتيب لا يشتغلون شيئاً بل هم فضوليون

— تسالونيكى الثانية 3 : 11

2. بولس أعطاهم مثال و قدوة في نفسه! قال لهم افكروا أنا لما كنت بينكم (رغم إن الفاعل مستحق أجرته) اشتغلت بيديّ عشان لا أثقل عليكم

و لا أكلنا خبزاً مجاناً من أحد بل كنا نشغل بتعب و كد ليلاً و نهاراً لكي لا نشغل على أحد منكم ليس أن لا سلطان لنا بل لكي نعطيكم أنفسنا قدوة حتى تتمثلوا بنا

— تسالونيكى الثانية 3 : 8 و 9

و نبّهم إن ده الصح: إن الإنسان يشتغل عشان يكفّي نفسه و بيته، و كمان يقدر يساعد باقي الناس

3. و ختم الرسالة بصلاة إن في ضيقتهم يعطيهم ملك السلام سلامه:

— تسالونيكي الثانية 3 : 16



- 7/7